

圖說

興化縣境全圖圖說

興邑地勢控扼西南展伸東北地平土沃陸少水多縣城適當上河來源匯處四面環水經緯河道於此分流計經河除蚌蜒興鹽界河與東鹽公共外有梓辛車路白塗海溝各河緯河除海陵溪與高郵公共外有南北官河東西唐港橫涇串場各河其經河均注入串場河分下各閘經由境內海港及鄰境新洋射陽各港歸海范隄橫亘東部在境內者依據原界線長約八十餘里爲全境之脊在范隄以西地段因主要河流劃成若干天然方形區域東

興化縣志

卷一

輿地志

北角建有圩圍數處其他地段亦能就勢築圩惜人力有限未克進行致西部形成窪下河道廣闊湖蕩縱橫霖雨過度亦能肇災壩水下注卽虞陸沉水田彌望溝澮環匝雖一莊一舍之隔不通陸路必濟舟梁往昔南北塘已廢老壩亦屢圯屢修惟范隄築有通榆省道其范隄以東地區除各閘河寬展外其餘溝港窄狹平曠之處頗具陸地性質所謂邑境東高西下者以此通海水道有丁溪小海草堰牛灣七竈八竈大團各閘河及王竹鬪龍各港爲全境水利宣洩命脈惟限於地形故前志有受水易洩水難之語今滄桑未改形狀依然興修水利事不容緩其縣界分原界及現界兩部分現界東北自磨擔港西越大縱湖至沙溝西界角計迂



曲界邊一百三十里爲鹽城界又折南歷時堡至滷淋河口計迂曲界邊九十餘里爲高郵界自滷淋河口直東數里爲秦縣界自蚌蜒河口東北至磨擔港計迂曲界邊二百二十餘里爲東臺界北境東西直徑最廣處一百四十里南境東西直徑最廣處八十餘里南北直徑最長處七十餘里根據淮揚徐海二十五縣測圖計積地七千四百方里原界除西北兩界線無多修正外其自蚌蜒河口至蚌蜒河尾北折而東歷丁溪場南東盡海濱計迂曲界邊約二百里爲東臺界又沿海折北至鬪龍港海口約一百里以海爲界又溯鬪龍港而西至磨擔港止計迂曲界邊約一百餘里爲鹽城界在現界東部原界內北境東西直徑最廣處六十里南

境東西直徑最廣處一百二十里南北直徑最長處一百一十里在現界南部原界內東西直徑最廣處六十五里南北直徑最長處十五里計東南兩面原界內積地約五千四百方里合原現兩界總計北境東西直徑最廣處二百里南境東西直徑最廣處二百餘里南北直徑最長處一百一十里積地連同沙溝南面原界內二十餘方里共應面積一萬二千八百餘方里其原現界線已往經過情形及現應糾正根據詳輿地志疆域目

興化縣境全圖

比例尺

二萬分之二



圖例						
蕩中河道	路	現時界線	原有界線	橋	湖	鎮
				開	蕩	村
						縣城

城區水道圖說


南官河來水抵城南明代於古滄浪亭西南南塘遺址建老壩障水不令西流使東北分由南水關東水關北水關入城爲市河匯於海子池出西關於西關外復建西隄使水循隄西流至山子廟北洩今西隄久廢老壩重築其南水關東水關入市河之水現因居民投濶閘段湮塞祇北水關來水入海池出西水關尙能通流操舟飲水均利賴之其南水關來水東流古昔至惠政橋分支河北流由崇武橋匯入海池此河明代已塞載在梁志今馬橋卽古崇武橋舊址尙存

城區水道圖



蕩

巾
鳥



例 圖

河流	荒灘	城牆	街道	橋梁

例 比 一 之 分 万 一

50 150 250 350 450 550

0 5 10 哩

全境水道圖說



興化號稱水鄉河流密如蛛網惟脈絡貫通自有綱領本圖根據歷史及現測圖參互考訂間有前志有名之河今測圖無名者仍列古名以符習慣其圩圍部分前志原有者仍舊具列近增者因現測圖未列謹誌其名稱及地點所在又邑東丁小草及沈竈西團東至於海根據江南通志載興化東瀕於海原文以後海灘增長亦卽縣境增長河道去路亦以盡海爲委鬪龍港據鹽城志南岸屬劉莊北岸屬伍佑興鹽界河在大縱湖迤西者曰西界河按梁志所載興鹽古界當在今西界河以北沙溝溪河東流之周藩口前明鹽院洪垣題正疆界疏曰興化北至鹽城沙溝南至泰州

蚌蜒河

全境水道圖

比例尺

二萬分之一



圖例

圩	湖	河	村	縣	現界線	原界線
隄	蕩	道	鎮	城		

上游水系來源圖說

興邑位於下河之中下河水害及水利來源胥系於裏運河裏運河來源近脈爲高寶洪澤諸湖遠脈則北至淮北魯南西至皖北豫東數十萬方里地域之各河渠均有連屬關係在昔黃河未徙水害固烈今黃雖北徙又時虞魯豫兩省黃河南岸潰決奪淮奪運災及下河故言遠脈黃河與有關係茲論經常水系來源可分爲西北兩大主幹其各支渠較大者均附入焉西幹以淮水爲主體淮南則師河竹竿河白露河曲河史河西湖東湖潁河肥河洛河濠水池河津里河各水入焉淮北則清水港澗河南汝河洪河商水潁水賈魯河西明河西肥河惠濟河北肥河澮河沱河濇河

汴河睢河安河各水入焉北幹以魯省南運河及蘇省中運河爲主體運東則汶河洸河泗水獨山湖東西泇河武河沂水白馬河墨河流水各水入焉運西則趙王河蜀山湖牛頭河濬水河萬福河新冲河昭陽湖順隄河大沙河微山湖荆山河各水入焉凡此二幹所受諸水除由六塘入灌河及薔薇入臨洪歸海外大都假道裏運分歸江海論地勢豫南淮南魯南均爲山脈淮河流域自西向東傾斜至洪澤高寶各湖及下河又遞降而下洪澤湖之水盛漲高於高寶諸湖一丈七八尺高寶諸湖之水高於下河亦一丈七八尺淮東得以生存者上爲高家堰下爲裏運東西隄爲之攔約運河流域自北向南傾斜中運河韓莊至楊莊間河底遞傾


凡七丈有奇沂沭各水傾斜亦相等是楊莊以下廢黃河以南裏
運河以東通揚運河以北計江泰東高寶淮阜鹽興各縣爲下河
區域地勢低窪興化又下河之最低區故每逢上游發水下河動
輒被災下河各縣或處於偏災之境而吾邑則全境受害幾無尺
地乾土此又最劇之情形也至論吾邑水利方面計南有孔家涵
西有高邵各閘下注之來源水流由西南而東北全境農田須賴
灌溉惟遇旱年上游郵泰需水亦殷涓滴分潤常感不足人謂下
河食淮之利九膺淮之害一今則導淮無功決黃未堵情勢日險
實不足言食淮之利也

上游水系來源圖

本圖根據亞新地學社大中華分省圖並參考武霞峯淮系全國華北水利委員會豫冀魯黃河形勢圖編製

比例尺
 一之分子七萬八千六百一
 0 50 100 150 200里

例		圖				
○	●	—	⋯	⊙	∩	∩
鎮	縣	鐵	山	湖	河	隄
市	治	路	脉	泊	流	埝
						界



下游水系分洩圖說

下游洩水系統亦卽下河洩水系統其大勢約分中下兩段落中段在范公隄西興鹽及阜甯南部地域河港是也下段在范公隄東興鹽阜地域海港是也其江都高郵寶應淮安境內各閘壩引河佔洩水來路東臺佔洩水邊角毋須置論茲先述中段重要者自西而東曰蚌蜒河梓辛河車路河此由丁溪歸竹港之路也曰白塗河海溝河興鹽界河此由草堰白駒劉莊大團分下王港鬪龍之路也曰朱臘溝蟒蛇河皮汊河此由天妃石礎下新洋港之路也曰上岡河北塘河魚深河此由上岡草堰溝墩分下射陽之路也自南而北者曰子嬰溝海陵溪南北官河唐港河岡溝河串

興化縣志

卷一

輿地志

七

場河此分由大縱湖射陽湖下各海港之路也其鹽境東西塘河

西塘河南段又名神臺河明萬歷興化令歐陽東鳳浚治下朦朧口入海揚州志謂射陽神臺爲行水正路

亦爲下射陽港之要道



而最要者爲自裴橋至阜甯之蝦鬚溝

清康熙間總河張鵬翮挑蝦鬚溝射陽湖出路始通

射陽

河上承淮寶高江諸閘壩入湖蕩之水下達射陽港歸海惜射陽湖自明代淤墊洩水不暢而大縱湖近亦淤墊實爲下河洩水隱憂其下段由南而北曰竹港王家港鬪龍港新洋港射陽港爲下河洩水五大海港實際以射陽爲最優新洋鬪龍次之王竹兩港具名而已其他各閘河支港亦爲洩水承轉機關祇須深通水自暢行至壑區阻礙洩水問題又盼新運河計劃成功則困難漸次解除矣

下游水系分洩圖






范隄閘座圖說

范隄歸海閘十八座在興境者有十二曰丁溪閘水出丁溪竈河
下達竹港歸海曰小海正越閘水出小海竈河下達王家港歸海
曰草堰閘葦港閘水出北新河曰白駒南北中一里墩閘水出牛
灣河曰劉莊青龍閘水出七竈河曰劉莊八竈閘水出八竈河曰
劉莊大團閘水出大團河均由鬪龍港歸海各閘座自明清兩朝
修建因地勢邊高中低興境適處其中故洩水以興境爲重要閘
址亦多在興境然閘口雖多壩水仍灌滿田河始漸趨海故郵壩
啓放三四日壩水卽抵縣境十餘日始至鹽阜迨水出本境及鄰
縣閘港又常有海潮頂托不能儘量入海須延至數月後積水始
消交春令後滷水又來防禦如臨大敵水之爲厄吾興特甚對於
范隄境內各閘蓄洩機宜不容絲毫忽視更不容任何牽掣今丁
小草白駒各閘尙稱完整仍能以時啓閉惟劉莊大團各閘均損
壞令於各竈河下口設壩由壩董壩頭具結擔任防守無滷水時
則啓上口以資閘東灌溉有滷水則仍堵閘口以資捍禦

范隄閘座圖

圖例

河流 圩隄 閘 堤 鎮市 村莊




運隄啓壩下河被災圖說

明代淮被黃佔楊一魁分淮南下建高堰閘座導水由金灣各口入江沿襲至清季全淮由洪澤三河高寶湖仍下金灣歸江又設歸江閘壩水小預堵以蓄水水大預放以減漲因歸江勢順啓壩洩水向無災患此洩淮注重入江之大略也清初又設歸海減壩以防異漲至乾隆時易爲五壩惟不輕啓放因歸海徑路不順且運隄東下河地平低窪壩水下注卽肇陸沈凡歷來主持河務者均不忍犧牲下河輕開郵壩故郵壩等於虛設水大祇須加土加料竭力保守渡過汛期卽可免災此洩淮力避歸海之大略也矧運隄啓壩名雖歸海其實洩水稍直之王竹兩港淤淺無用鬪龍

港港道迂曲現又有大豐舉區阻水新洋射陽距海路遠是五港洩水均欠靈敏而范隄東地勢高於隄西亦爲去水不暢之主因故壩水勢必漫溢河港屯積於興泰東鹽高寶阜淮及江都北部各縣民田而以釜底之興邑爲尤甚故興邑對於保壩呼籲尤切過去政府爲洩下河積水曾歷次疏浚海港揚湯止沸均無成效根本大計須將上游淮湖漲水按照導淮計劃使湖運水位永保平衡則高堰運隄旣免崩決之虞而歸海各壩亦無啓放之舉釜底抽薪下河水災卽可減除當代賢哲欲救下河捨此無由也


運隄開下河被災圖



例比
一之分万十五



歸海五壩圖



例比
一之分万十二

例圖
 一〇一
 河兩堤隄
 流座座塔
 水災區城
 鎮縣湖
 市城泊

歸江十壩圖



例比
一之分万十二

續修興化縣志卷一 輿地志 卷一之二

沿革

周(春秋) 無考

(戰國) 楚地東境相傳為昭陽食邑

秦 無考

漢 臨淮郡 廣陵國 江都縣

按前志云或屬臨淮或屬廣陵或屬江都文獻通考載臨淮郡為縣二十九鹽瀆海陵與焉廣陵國為縣四江都高郵與焉古興化雖不知誰屬但其境域當與之相錯曰或屬者明其載籍無稽不能確指耳

興化縣志 卷一 輿地志

晉 廣陵郡 臨淮郡

按文獻通考載廣陵郡為縣八內有鹽瀆海陵江都臨淮郡為縣十內有高郵古興化境地屬此屬彼不敢臆斷

南北朝 無考

隋 江都郡

按文獻通考載江都郡為縣十六江都海陵高郵鹽城屬焉均與興化相接似當屬江都郡

唐 揚州

按前志云方輿紀要興化唐海陵縣之昭陽鎮文獻通考泰州下云本唐揚州海陵縣南唐置州以揚州之興化來屬云來